

JAVNA USTANOVA
«DOM ZDRAVLJA»
ZAVIDOVIĆI
-UPRAVNI ODBOR-

Broj:01-1.05-3490/25

Datum:24.09.2025. godine

Na osnovu člana 69. stav 1. tačka b) i stava 2. tačka d), a u vezi sa članom 70. stav 4. Zakona o javnim nabavkama BiH („Službeni glasnik BiH“, broj 39/14, 59/22 i 50/24), te člana 38. Statuta JU «Dom zdravlja» Zavidovići, Upravni odbor JU «Dom zdravlja» Zavidovići, na svojoj 18. sjednici održanoj dana 24.09.2025. godine, donosi

O D L U K U

o poništenju postupka javne nabavke
usluga osiguranja od profesionalne odgovornosti zaposlenih

Član 1.

PONIŠTAVA se postupak javne nabavke broj: 638-7-2-306-3-103/25 od 08.08.2025. godine i 638-7-2-306-8-106/25 od 13.08.2025. godine, za nabavku usluga osiguranja od profesionalne odgovornosti zaposlenih JU „Dom zdravlja“ Zavidovići, za 12 mjeseci, iz razloga što nijedna od primljenih ponuda nije prihvatljiva.

Član 2.

Ova odluka stupa na snagu danom donošenja.

Obrazloženje

Obavještenjem o nabavci br. 638-7-2-306-3-103/25 koje je objavljeno na portalu javnih nabavki dana 08.08.2025. godine i u „Službenom glasniku BiH“, broj: 49/25 od 15.08.2025. godine i br. 638-7-2-306-8-106/25 (ispravka obavještenja) koje je objavljeno na portalu javnih nabavki dana 13.08.2025. godine i u „Službenom glasniku BiH“, broj: 50/25 od 22.08.2025. godin, pokrenut je konkurentski zahtjev za dostavu ponuda za nabavku usluga osiguranja od profesionalne odgovornosti zaposlenih JU „Dom zdravlja“ Zavidovići, za 12 mjeseci.

Tendersku dokumentaciju za predmetnu nabavku sa portala javnih nabavki preuzelo je 8 ponuđača i to: EKAPIJA DOO, TENDERI DOO, BBS EUROPE, ASA CENTRAL OSIGURANJE D.D. SARAJEVO, CROATIA OSIGURANJE D.D, WIENER OSIGURANJE VIG AD, SARAJEVO OSIGURANJE D.D. SARAJEVO i UNIQA OSIGURANJE D.D. SARAJEVO.

Izmjenu i dopunu tenderske dokumentacije za predmetnu nabavku sa portala javnih nabavki preuzelo je 6 ponuđača i to: SARAJEVO OSIGURANJE D.D. SARAJEVO, UNIQA OSIGURANJE D.D. SARAJEVO, EKAPIJA DOO, ASA CENTRAL

OSIGURANJE D.D. SARAJEVO, BBS EUROPE i UNIQA OSIGURANJE D.D. SARAJEVO.

Na adresu JU "Dom zdravlja" Zavidovići dostavljene su 2 ponude i to: Sarajevo osiguranje d.d. Sarajevo i ASA Central Osiguranje d.d. Sarajevo.

Nakon pregleda dostavljene ponude, utvrđeno je da nijedna dostavljena ponuda nije prihvatljiva.

Ponuda ponuđača Sarajevo osiguranje d.d. Sarajevo, ocijenjena je kao neprihvatljiva iz sljedećih razloga:

Tenderskom dokumentacijom, broj: 01-2.12-3047/25 od 08.08.2025. godine, sa Izmjenom broj: 01-2.12-3094/25 od 13.08.2025. godine, u tački "2.USLOVI ZA KVALIFIKACIJU I POTREBNI DOKAZI", podtačka "2.1.Ponuđač je dužan u svrhu dokazivanja lične sposobnosti (član 45. ZJN) dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan."

Ponuđač je, u svrhu dokaza o ispunjavanju prethodnih uvjeta lične sposobnosti (član 45. stav (1) Zakona), bio dužan, u ponudi, dostaviti izjavu ovjerenu kod nadležnog organa (sud, notar ili općina), u formi i na način koji propisuje Agencija za javne nabavke, a izjava nije smjela biti starija od 15 dana od dana predaje ponude.

U istoj podtački 2.1. propisano je:

„Ponuđač će biti isključen iz daljnjeg učestvovanja u postupku javne nabavke, zbog neispunjavanja navedenog uvjeta za kvalifikaciju, ukoliko se u ponudi ne dostavi navedena Izjava, na način na koji je traženo.”

Ponuđač Sarajevo osiguranje d.d. Sarajevo u svojoj ponudi, koju je predao 01.09.2025. godine i ista je zavedena pod rednim brojem protokola 01-2.14-3269/25, dostavio je ovjerenu izjavu o ispunjenosti uslova iz člana 45. stav (1) tačka a) do d) Zakona o javnim nabavkama - Aneks 4 od 13.08.2025. godine, koja je i ovjerena 13.08.2025. godine.

Uvidom u datum Izjave o ispunjenosti uslova iz člana 45. stav (1) tačka a) do d) Zakona o javnim nabavkama - Aneks 4 (13.08.2025. godine) i datum predaje ponude 01.09.2025. godine, utvrđeno je da je izjava starija više od 15 dana od dana predaje ponude, odnosno stara je 19 dana u odnosu na dan predaje ponude.

Imajući u vidu izneseno, komisija je utvrdila da ponuđač Sarajevo osiguranje d.d. Sarajevo, u ponudi nije dostavio sve tražene dokumente na način kako je propisano tenderskom dokumentacijom.

Usljed utvrđenog činjeničnog stanja, ponuda ponuđača Sarajevo osiguranje d.d. Sarajevo odbačena je shodno članu 68. stav 1. i stav 4. tačka i) Zakona o javnim nabavkama

jer je ponuđač dostavio nepotpune dokaze i ponuda ne ispunjava zahtjeve iz tenderske dokumentacije.

Ponuda ponuđača ASA Central Osiguranje d.d. Sarajevo, ocijenjena je kao neprihvatljiva iz sljedećih razloga:

Tenderskom dokumentacijom, broj: 01-2.12-3047/25 od 08.08.2025. godine, sa Izmjenom broj: 01-2.12-3094/25 od 13.08.2025. godine, u tački "2.USLOVI ZA KVAFIKACIJU" I POTREBNI DOKAZI", podtačka "2.1.Ponuđač je dužan u svrhu dokazivanja lične sposobnosti (član 45. ZJN) dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan."

Ponuđač je, u svrhu dokaza o ispunjavanju prethodnih uvjeta lične sposobnosti (član 45. stav (1) Zakona), bio dužan, u ponudi, dostaviti izjavu ovjerenu kod nadležnog organa (sud, notar ili općina), u formi i na način koji propisuje Agencija za javne nabavke.

Ponuđač ASA Central osiguranje d.d. Sarajevo u svojoj ponudi, koju je predao 02.09.2025. godine i ista je zavedena pod rednim brojem protokola 01-2.14-3302/25, dostavio je ovjerenu izjavu o ispunjenosti uslova iz člana 45. stav (1) tačka a) do d) Zakona o javnim nabavkama - Aneks 4, koja je ovjerena 26.08.2025. godine.

U istoj podtački 2.1. propisano je:

„Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom, odnosno dokazi koje dostavlja izabrani ponuđač ne mogu biti stariji od tri mjeseca, računajući od trenutka predaje ponude. Naime, izabrani ponuđač mora ispunjavati sve uvjete u trenutku predaje ponude, u protivnom će se smatrat da je dao lažnu izjavu iz člana 45. Zakona.“

Ponuđač ASA Central osiguranje d.d. Sarajevo u svojoj ponudi, osim ovjerene izjave o ispunjenosti uslova iz člana 45. stav (1) tačka a) do d) Zakona o javnim nabavkama - Aneks 4, dostavio je i Uvjerenje Kantonalnog poreznog ureda, Porezna ispostava Novi Grad br.13-9/4-12-5-26299/25AJ od 11.08.2025. godine - ovjerena fotokopija od 13.08.2025. godine.

U predmetnom uvjerenju navedeno je da prema poreznoj evidenciji Društvo za osiguranje ASA Central osiguranje d.d. Sarajevo IMA OBAVEZA, odnosno da IMA duga po osnovu javnih prihoda i isti iznosi 86.055,22 KM.

Uvidom u dostavljenu dokumentaciju u ponudi, odnosno ovjerenu izjavu o ispunjenosti uslova iz člana 45. stav (1) tačka a) do d) Zakona o javnim nabavkama od 26.08.2025. godine - Aneks 4 i Uvjerenje Kantonalnog poreznog ureda, Porezna ispostava Novi Grad br.13-9/4-12-5-26299/25AJ od 11.08.2025. godine - ovjerena fotokopija od 13.08.2025. godine, ponuđač je dokazao da nije izmirio dospjele obaveze u vezi sa plaćanjem direktnih poreza (član 45. stav 2. tačka d), te da je istovremeno dao lažnu izjavu iz

člana 45. Zakona, s obzirom da u trenutku predaje ponude nije ispunjavao sve uvjete propisane članom 45. Zakona o javnim nabavkama.

Član 45. stav 1. tačka d) propisuje da je ugovorni organ dužan odbaciti ponudu ako ponudač nije ispunio obaveze u vezi s plaćanjem direktnih poreza u skladu sa važećim propisima u Bosni i Hercegovini ili u zemlji u kojoj je registriran.

Imajući u vidu izneseno, komisija je utvrdila da ponudač ASA Central osiguranje d.d. Sarajevo, u ponudi nije dostavio sve tražene dokumente na način kako je propisano tenderskom dokumentacijom.

Usljed utvrđenog činjeničnog stanja, ponuda ponudača ASA Central osiguranje d.d. Sarajevo odbačena je, shodno članu 68. stav 1. i stav 4. tačka i) Zakona o javnim nabavkama jer je ponudač lažno predstavio informacije koje su dokaz ispunjavanja uslova iz člana 45. Zakona o javnim nabavkama i ponuda ne ispunjava zahtjeve iz tenderske dokumentacije.

Kako su obje dostavljene ponude u ovom postupku nabavke neprihvatljive, Komisija za javne nabavke predložila je da se poništi postupak javne nabavke usluga osiguranja od profesionalne odgovornosti zaposlenih JU „Dom zdravlja“ Zavidovići, za 12 mjeseci, u skladu sa članom 69. stav (2) tačka d) Zakona o javnim nabavkama, obzirom da nijedna od primljenih ponuda nije prihvatljiva.

Obzirom na naprijed utvrđeno činjenično stanje odlučeno je kao u dispozitivu Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

DOSTAVLJENO:

1. Sarajevo osiguranje d.d. Sarajevo,
2. ASA Central osiguranje d.d. Sarajevo,
3. a/a



**PREDSJEDNIK
UPRAVNOG ODBORA**
Mehić Elvir, dipl. pravnik